

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 10 APRIL 2014, PUKUL 10.00 PAGI

Bil. 20

PERTANYAAN-PERTANYAAN BAGI JAWAB LISAN

1. PR-1321-L59517
Dato' Haji Abdul Rahman bin Haji Mohamad [Lipis] minta **PERDANA MENTERI** menyatakan pelan tindakan untuk memastikan golongan tidak bertanggungjawab yang mengadu domba dan melakukan provokasi antara kaum yang semakin meruncing, dikenakan tindakan sewajarnya dan sejauh manakah keberkesanan tindakan yang dijalankan setakat ini.
2. PR-1321-L59727
Tuan Mohamed Azmin bin Ali [Gombak] minta **PERDANA MENTERI** menyatakan apakah usaha dan langkah yang diambil oleh pasukan keselamatan negara untuk memantapkan Operasi Kawasan Keselamatan Khas Pantai Timur Sabah (ESSCOM) selaras dengan Dasar Pertahanan Negara.
3. PR-1321-L59562
Dato' Henry Sum Agong [Lawas] minta **MENTERI KESIHATAN** menyatakan sama ada kerajaan bercadang untuk melindungi kanak-kanak di Malaysia daripada bahaya penyakit 'Pneumococcal' dengan memberi suntikan ubat yang boleh mengelakkan penyakit tersebut merebak di kalangan kanak-kanak.
4. PR-1321-L60417
Tuan Ahmad Marzuk bin Shaary [Bachok] minta **MENTERI DALAM NEGERI** menyatakan apakah kemudahan solat dan tandas di blok kuarantin penjara Pengkalan Chepa memenuhi syariat. Apakah alasan pihak penjara hanya menyediakan air tidak mencukupi dua kolah dan hanya menyediakan baldi untuk para penghuni penjara blok kuarantin untuk membuang air besar secara terbuka di depan penghuni yang lain. Apakah penekanan syariat, kebersihan dan maruah dititikberatkan dalam blok kuarantin penjara Pengkalan Chepa.
5. PR-1321-L61138
Tuan Che Mohamad Zulkifly bin Jusoh [Setiu] minta **MENTERI KOMUNIKASI DAN MULTIMEDIA** menyatakan kadar penembusan jalur lebar negara masa kini dan nyatakan sejauh manakah inisiatif melancarkan satelit MEASAT-3b mampu bagi meningkatkan keupayaan sistem telekomunikasi dan jalur lebar di negara ini terutama di luar bandar.

6. PR-1321-L60937
Tuan Wong Sze Phin @ Jimmy [Kota Kinabalu] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan bagaimana peruntukkan sebanyak RM331 Juta untuk menyeragamkan harga barangan antara timur dan barat Malaysia dalam belanjawan 2014 digunakan. Apakah status program Penyeragaman Harga terkini. Adakah peruntukan tersebut berjaya menyeragamkan harga barang.
7. PR-1321-L59827
Datuk Joseph Salang anak Gandum [Julau] minta **MENTERI KERJA RAYA** menyatakan konsep pembinaan Jalan Pan Borneo Highway. Adakah pembinaan jalan ini hanya melibatkan pelebaran jalan sedia ada atau membuka jalan baru.
8. PR-1321-L59866
Tuan Oscar Ling Chai Yew [Sibul] minta **MENTERI KEWANGAN** menyatakan jumlah pemohon Rumah Mesra Rakyat dan permohonan yang berjaya diluluskan. Senaraikan mengikut negeri dan kaum.
9. PR-1321-L60754
Datuk Madius Tangau [Tuaran] minta **MENTERI PENDIDIKAN** menyatakan apakah langkah-langkah yang telah diambil untuk menurunkan kuasa kepada Pengarah Pendidikan Negeri Sabah dan apakah kesannya terhadap pentadbiran Kementerian pada keseluruhannya.
10. PR-1321-L60239
Tuan Jeff Ooi Chuan Aun [Jelutong] minta **MENTERI SUMBER ASLI DAN ALAM SEKITAR** menyatakan secara tepat bilakah peruntukan bagi fasa Kedua Rancangan Tebatan Banjir Sungai Pinang, Jelutong Pulau Pinang sebanyak RM150 juta yang terkandung dalam RMK-9 tetapi ditunda ke RMK-10 itu akan ditunai dan dilaksanakan. Fasa Kedua rancangan tersebut telah tergendala selama 15 tahun sejak 1999.
11. PR-1321-L59446
Datuk Noor Ehsanuddin bin Mohd Harun Narrashid [Kota Tinggi] minta **MENTERI KERJA RAYA** menyatakan adakah ada perancangan pembesaran jalan raya atau ada pembinaan jalan baru bagi laluan Kota Tinggi ke Desaru ke Pengerang memandangkan di kawasan tersebut merupakan kawasan pembangunan hub gas dan minyak. Ini kerana, jalan tersebut akan dilalui oleh lori besar dan dikhuatiri akan membahayakan pengguna jalan raya yang lain.
12. PR-1321-L60303
Tuan Wan Hasan bin Mohd Ramli [Dungun] minta **MENTERI DALAM NEGERI** menyatakan jumlah pekerja asing profesional dan bukan profesional yang berdaftar secara sah dari tahun 2008-2013.

13. PR-1321-L59896
Datuk Ahmad Jazlan bin Yaakub [Machang] minta **PERDANA MENTERI** menyatakan :-
- (a) nyatakan statistik sekolah pondok yang telah mendaftar dengan kerajaan dan telah mendapat bantuan daripada Kerajaan; dan
 - (b) apakah bentuk sokongan atau galakan yang dilakukan oleh Kementerian untuk memastikan sekolah-sekolah pondok ini mendaftar dengan Kementerian.
14. PR-1321-L59233
Dato' Takiyuddin bin Hassan [Kota Bharu] minta **MENTERI KEWANGAN** menyatakan berapa buah bank dan institusi kewangan yang telah melaksanakan arahan YAB Perdana Menteri supaya menanggungkan sementara pembayaran balik pinjaman oleh mangsa-mangsa banjir di bulan Disember 2013 yang lalu.
15. PR-1321-L60945
Datuk Dr. Haji Abd. Latiff bin Haji Ahmad [Mersing] minta **MENTERI KEMAJUAN LUAR BANDAR DAN WILAYAH** menyatakan berapa jumlah yang dibelanjakan dalam tahun 2013 di dalam usaha memberi bantuan di bawah Program Peningkatan Pendapatan (PPP). Berapa ramaikah kumpulan sasar yang dibantu dan sejauh manakah kejayaan mengeluarkan mereka daripada belenggu kemiskinan.
16. PR-1321-L60097
Tuan Hee Loy Sian [Petaling Jaya Selatan] minta **MENTERI KERJA RAYA** menyatakan alasan pampasan RM400 juta atas penangguhan kenaikan kadar tol sehingga satu tahun dan langkah-langkah mengurangkan bilangan plaza tol di sekitar Bandaraya seperti janji Pilihan Raya Umum ke-13 yang lepas.
17. PR-1321-L60561
Datuk Hajah Norah binti Abd Rahman [Tanjong Manis] minta **PERDANA MENTERI** menyatakan berapakah jumlah kutipan wang keseluruhan untuk pengeluaran kad perakuan nikah (sejak ia diperkenalkan) yang telah dilaksanakan oleh beberapa Jabatan Agama Islam negeri seperti di Wilayah Persekutuan dan Selangor. Adakah pengeluaran kad perakuan nikah ini praktikal atau bolehkah maklumat pernikahan ini diselaraskan dalam MyKad.
18. PR-1321-L60732
Dr. Michael Jeyakumar Devaraj [Sungai Siput] minta **MENTERI SUMBER ASLI DAN ALAM SEKITAR** menyatakan sama ada Kerajaan Malaysia sedang membantu Kerajaan dan/atau NGO Indonesia meningkatkan paras air tanah (*water table*) di kawasan-kawasan hutan gambut yang mudah terbakar di Sumatra Selatan dan Kalimantan.

19. PR-1321-L60250
Tuan Haji Ahmad Lai bin Bujang [Sibuti] minta **MENTERI KESIHATAN** menyatakan:-
- (a) bilakah pihak kerajaan akan memulakan pembinaan Klinik Kesihatan baru untuk Bekenu dan bilakah mesin dialisis akan ditempatkan di Pusat Dialisis di Batu Niah. ; dan
 - (b) adakah kerajaan mempunyai perancangan untuk menambah doktor pakar di Hospital Miri memandangkan yang kini hanya ada 3 doktor pakar dan 2 pakar bedah.
20. PR-1321-L60515
Tuan R. Sivarasa [Subang] minta **MENTERI SUMBER MANUSIA** menyatakan sama ada semua peraturan dan kaedah-kaedah beroperasi (atau SOP) untuk menyiasat dan menangani aduan-aduan di bawah Akta Umur Persaraan Minimum 2012 telah dilaksanakan sebab akta ini telah dikuatkuasakan sejak 1 Julai 2013.
21. PR-1321-L60197
Dato' Hasbullah bin Osman [Gerik] minta **MENTERI PENDIDIKAN** menyatakan dalam usaha mencapai kejayaan menyeluruh mengenai Pelan Pembangunan Pendidikan Malaysia (PPPM) apakah usaha-usaha dibuat iaitu:-
- (a) sistem secara online pemarkahan PBS, EMIS, e-Tukar serta lain-lain memberi persepsi yang negatif pada Kementerian Pendidikan; dan
 - (b) penempatan guru baru seperti tahun ini tanpa mengambil kira guru-guru telah berkahwin dan mempunyai anak.
22. PR-1321-L59198
Tuan Idris bin Haji Ahmad [Bukit Gantang] minta **MENTERI DALAM NEGERI** menyatakan berapakah kes pembunuhan yang berlaku di dalam Kawasan Parlimen Bukit Gantang sejak Januari -Disember 2013.
23. PR-1321-L60646
Dato' Shamsul Anuar bin Haji Nasarah [Lenggong] minta **MENTERI BELIA DAN SUKAN** menyatakan :-
- (a) pencapaian Kementerian setelah diwujudkan Jawatankuasa Kabinet Pembangunan Sukan ; dan
 - (b) kebanyakan prestasi sukan negara kurang memberangsangkan, apakah faktor yang menyebabkan masalah ini berlaku dan apakah usaha kerajaan mengatasi masalah ini.

24. PR-1321-L60651
Dr. Haji Izani bin Haji Husin [Pengkalan Chepa] minta **MENTERI DALAM NEGERI** menyatakan bilakah pihak Kerajaan akan menyiapkan Balai Polis Badang yang dicadangkan pembinaannya di Lot 1957, Mukim Kijang, Kota Bharu.
25. PR-1321-L59852
Tuan Khoo Soo Seang [Tebrau] minta **MENTERI PENDIDIKAN** menyatakan adakah kerajaan bersedia melonggarkan syarat-syarat pengambilan GSTT kerana sekolah-sekolah rendah Cina menghadapi masalah mencari GSTT berkelayakan ijazah.
26. PR-1321-L60560
Tuan V. Sivakumar [Batu Gajah] minta **MENTERI SUMBER MANUSIA** menyatakan apakah objektif sebenar Program Skills Malaysia. Sejauh manakah penerimaan masyarakat terhadap program ini menerusi kempen promosi Skills Malaysia kepada semua lapisan masyarakat untuk mengetahui tentang keperluan tenaga kerja berkemahiran tinggi.
27. PR-1321-L59593
Dato' Seri Ong Ka Chuan [Tanjong Malim] minta **MENTERI PERDAGANGAN ANTARABANGSA DAN INDUSTRI** menyatakan sejauh manakah Dasar Automotif Nasional 2014 akan mendatangkan kebaikan kepada rakyat di negara ini.
28. PR-1321-L59473
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan :-
- (a) tentang peruntukan yang akan disalurkan kepada Negeri Melaka untuk "Tahun Melawat Malaysia 2014"; dan
 - (b) berapakah jumlah peruntukan akan diberi kepada Kampung Portugis, Kampung Morten, Kampung Cettier dan Jonker Walk di Melaka yang telah terbukti sebagai tapak tarikan utama pelancong-pelancong asing.
29. PR-1321-L61267
Datuk Zahidi bin Zainul Abidin [Padang Besar] minta **MENTERI PERTANIAN DAN INDUSTRI ASAS TANI** menyatakan sama ada terdapat program promosi untuk menggalakkan aktiviti pertanian di sekeliling rumah atau tanah terbiar dan perniagaan berasaskan pertanian sebagai usaha meningkatkan pendapatan keluarga kepada mereka yang mempunyai "access" kepada tanah berpotensi untuk diusahakan bagi tanaman sayuran dan kontan sebelum tanah tersebut digunakan untuk tujuan tertentu.

30. PR-1321-L61155
Dato' Fauzi bin Abdul Rahman [Indera Mahkota] minta **MENTERI PENDIDIKAN** menyatakan:-
- (a) adakah pernah dikumpulkan ulama-ulama muktabar dalam dan luar negara yang mampu membantu menggubal satu sistem pendidikan negara agar anak-anak Islam didedahkan dengan ilmu yang mantap, meluas dari sudut ilmu akidah Ahlul Sunnah Waljamaah yang bersih lagi suci; dan
 - (b) apakah usaha kerajaan untuk memasukkan unsur-unsur memahami Al-Quran dan Sunnah dalam didikan formal bagi anak-anak Islam.
31. PR-1321-L59138
Datuk Bung Moktar bin Radin [Kinabatangan] minta **MENTERI BELIA DAN SUKAN** menyatakan cadangan pembinaan pusat-pusat riadah dan sebuah mini kompleks sukan di Daerah Kinabatangan.
32. PR-1321-L59681
Dato' Ir. Haji Nawawi bin Ahmad [Langkawi] minta **MENTERI KEWANGAN** menyatakan adakah benar tentang rungutan masyarakat iaitu terdapat kes penipuan penerima BR1M di mana orang kaya dan berkereta mewah juga menerima bantuan BR1M ini. Jika benar, bagaimanakah caranya penapisan dibuat oleh Kerajaan agar mereka yang benar-benar layak sahaja menerimanya.
33. PR-1321-L59349
Tuan Wilson Ugak Kumbong [Hulu Rajang] minta **MENTERI KESIHATAN** menyatakan adakah terdapat perancangan oleh kerajaan untuk mendirikan sebuah klinik di kawasan Long Busang dan menyediakan mesin dialisis di klinik Belaga dan Sungai Asap kerana lokasi yang terpencil dan menyukarkan penduduk untuk mendapatkan akses kepada perkhidmatan dialisis dan kesihatan keseluruhan.
34. PR-1321-L59514
Datuk Chua Tee Yong [Labis] minta **PERDANA MENTERI** menyatakan apakah indeks harga pengguna terbaru di Malaysia berbanding jiran-jirannya di rantau ini serta adakah ia berkembang ke arah yang baik untuk negara dan rakyat.
35. PR-1321-L59414
Dato' Mansor bin Othman [Nibong Tebal] minta **PERDANA MENTERI** menyatakan jumlah pungutan zakat bagi tahun 2013 mengikut negeri dan nyatakan bagaimana pungutan tersebut dimanfaatkan demi kesejahteraan masyarakat Islam di Malaysia.
36. PR-1321-L59809
Datuk Raime bin Unggi [Tenom] minta **MENTERI KOMUNIKASI DAN MULTIMEDIA** menyatakan *rating* penonton TV1 dan TV2 bagi tempoh 10 tahun lalu dan sejauh manakah pelaksanaan siaran digital di TV1 dan TV2 telah dicapai setakat ini.

37. PR-1321-L60224
Dato' Kamarudin bin Jaffar [Tumpat] minta **MENTERI PENDIDIKAN** menyatakan :-
- (a) sejauh manakah keberkesanan aspek pemantauan dan pengawalan pelajar antarabangsa di negara ini; dan
 - (b) berapakah bilangan pelajar antarabangsa yang gagal menamatkan pengajian dan telah dihantar pulang ke negara asal.
38. PR-1321-L59947
Tuan Gooi Hsiao-Leung [Alor Setar] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah bantuan (kewangan atau di sebaliknya) yang diberikan kepada pasukan-pasukan Bomba Sukarela di dalam negara yang berdaftar dengan Jabatan Bomba dan Penyelamat Malaysia.
39. PR-1321-L59591
Tuan Haji Mohd Fasiah bin Haji Mohd Fakeh [Sabak Bernam] minta **MENTERI PENDIDIKAN** menyatakan sejauh manakah pelaksanaan buku teks digital dalam membantu proses pengajaran dan pembelajaran di sekolah bagi menggantikan buku teks bercetak secara berperingkat seperti dirancang dalam Pelan Pembangunan Pendidikan Malaysia (PPPM) 2013-2025 serta nyatakan cadangan sejauh manakah proses transformasi pendidikan melalui Projek 1BestariNet ini dapat dikembangkan ke seluruh negara.
40. PR-1321-L61186
Dato' Sri Azalina binti Dato' Othman Said [Pengerang] minta **PERDANA MENTERI** menyatakan dalam sejarah Malaysia, berapa ramai peguam yang pernah dilantik menjadi Pendakwa Raya dan bila kali terakhir seorang peguam dilantik sebagai Pendakwa Raya, sepertimana Tan Sri Muhammad Shafee Abdullah dilantik dalam kes Yang Berhormat Pematang Pauh.
41. PR-1321-L61095
Tuan Lim Lip Eng [Segambut] minta **PERDANA MENTERI** menyatakan jumlah kos yang telah dibelanjakan dalam siasatan dan pendakwaan terhadap Tun Dr. Ling Liong Sik dan Tan Sri Chan Kong Choy masing-masing berhubung Projek Zon Bebas Pelabuhan Klang.
42. PR-1321-L59134
Dato' Wira Othman bin Abdul [Pendang] minta **MENTERI KEWANGAN** menyatakan:-
- (a) apakah rasionalnya Bank Negara Malaysia membenarkan bank-bank mengenakan cas sebanyak 50 sen untuk setiap keping cek yang diproses; dan
 - (b) adakah kerajaan bercadang untuk membatalkan peraturan ini. Kalau tidak mengapa.

43. PR-1321-L61255
Dato' Mohd Ariff Sabri bin Abdul Aziz [Raub] minta **MENTERI SUMBER ASLI DAN ALAM SEKITAR** menyatakan:-
- (a) berapa luaskah hutan simpan telah digazetkan sebagai hutan simpan kekal di Malaysia mengikut pecahan negeri ; dan
 - (b) berapa luaskah kawasan yang digazet itu telah diubah syarat untuk dieksploitasi.
44. PR-1321-L59465
Tuan Seah Leong Peng [Telok Intan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
- (a) sejauh manakah kerajaan telah berjaya menepati sekurang-kurangnya 30 peratus produk PKS Bumiputera di senarai tetap di dalam pasaraya besar asing yang beroperasi di Malaysia melalui inisiatif program promosi produk PKS di dalam dan luar negeri; dan
 - (b) apakah kekangan yang dihadapi pengusaha produk PKS Bumiputera untuk bersaing memasarkan produk mereka di pasaraya besar asing.
45. PR-1321-L60844
Tuan Chong Chieng Jen [Bandar Kuching] minta **MENTERI KOMUNIKASI DAN MULTIMEDIA** menyatakan apa sebabnya penurunan kedudukan Malaysia dalam 2014 *World Press Freedom Index*. Apakah langkah Kerajaan untuk menambah baik keadaan tersebut.
46. PR-1321-L59274
Tuan M. Kulasegaran [Ipoh Barat] minta **MENTERI KESIHATAN** menyatakan :-
- (a) adakah masalah kekurangan kerusi pergigian (*dental chairs*) mengakibatkan kebanyakan doktor gigi terutamanya doktor golongan muda menghabiskan masa mereka secara tidak terancang dan tidak bermanfaat; dan
 - (b) berapa nisbah antara doktor gigi dan masyarakat.
47. PR-1321-L60656
Dato' Haji Irmohizam bin Haji Ibrahim [Kuala Selangor] minta **MENTERI BELIA DAN SUKAN** menyatakan :-
- (a) sejauh manakah NKRA Jenayah yang menggariskan inisiatif kesukarelawan yang menggalakkan "*engagement*" Kerajaan dengan belia dapat mencegah golongan belia dari terjebak dalam kancah jenayah; dan
 - (b) apakah usaha-usaha baharu kerajaan untuk menangani masalah jenayah yang melibatkan golongan belia.

48. PR-1321-L61139
Tuan Manivanan a/l Gowindasamy [Kapar] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan rasional menguatkuasakan undang-undang terhadap pemborong dan peniaga yang menaikkan harga, tetapi pada hakikatnya langkah-langkah yang diambil Kerajaan dengan mengurangkan atau memansuhkan subsidi merupakan faktor utama peningkatan kos dan harga barang keperluan asas, di mana peniaga juga merupakan mangsa yang terpaksa meningkatkan harga.
49. PR-1321-L60290
Tan Sri Datuk Seri Panglima Joseph Pairin Kitingan [Keningau] minta **MENTERI PENGANGKUTAN** menyatakan apakah hasil perbincangan mengenai dengan masalah '*cost of living*' dan akibat daripada penggunaan '*Cabotaj Policy*' yang jatuh ke dalam jawatankuasa yang dipengerusikan oleh YAB. TPM sendiri.
50. PR-1321-L59329
Dr. Noor Azmi bin Ghazali [Bagan Serai] minta **MENTERI KESIHATAN** menyatakan apakah usaha kerajaan dalam memberi fokus kepada masalah kesihatan warga emas yang berumur 70 tahun ke atas berikutan jangka hayat yang meningkat apabila negara mencapai status negara maju dan adakah kerajaan akan mewujudkan unit-unit geriatrik di hospital-hospital dan menambah bilangan pakar-pakar geriatrik di negara ini.
51. PR-1321-L59806
Tuan Ahmad Baihaki bin Atiqullah [Kubang Kerian] minta **MENTERI KEWANGAN** menyatakan Kerajaan telah membelanjakan ribuan juta Ringgit Malaysia (RM) untuk pelaksanaan Bantuan Rakyat 1Malaysia (BR1M). Daripada BR1M pertama hingga BR1M 2014, berapa peratus kadar kemiskinan yang telah berjaya dikurangkan.
52. PR-1321-L60722
Datuk Jumat bin Idris [Sepanggar] minta **MENTERI DALAM NEGERI** menyatakan:-
- (a) berapakah kos yang terpaksa ditanggung oleh Kerajaan pada tahun 2013 untuk menguruskan Pendatang Tanpa Izin terutamanya dari segi kos makan, minum dan tempat tinggal tahanan PATI ini; dan
 - (b) apakah usaha Kementerian untuk mengurangkan kos ini di masa akan datang.
53. PR-1321-L61113
Dr. Azman bin Ismail [Kuala Kedah] minta **MENTERI KESIHATAN** menyatakan jumlah sebenar pesakit Diabetes Mellitus di Malaysia. Apakah kerajaan menganggap langkah pencegahan setakat ini berkesan.

54. PR-1321-L60031
Tuan Zairil Khir Johari [Bukit Bendera] minta **MENTERI DALAM NEGERI** menyatakan mengapa buku *Asal-usul Spesies* terjemahan F. Susilohardo dan Basuku Hernawo diharamkan di Malaysia, sedangkan buku asalnya *The Origin of Spesies* tidak dilarang untuk dibaca dan dijual.
55. PR-1321-L60021
Tuan Gobind Singh Deo [Puchong] minta **MENTERI DALAM NEGERI** menyatakan sama ada tawaran RM1200 untuk menampar YB. Seputeh adalah satu kesalahan di bawah Kanun Keseksaan dan sekiranya ya, apakah tindakan yang diambil dan sekiranya tidak, kenapa.
56. PR-1321-L61020
Tuan Wong Ling Biu [Sarikei] minta **MENTERI PENDIDIKAN** menyatakan sama ada semua sekolah-sekolah rendah yang beraliran Bahasa Cina di Bahagian Sarikei tidak menghadapi kekurangan guru-guru yang beropsyen Bahasa Cina. Adakah sekolah-sekolah menengah jenis kebangsaan di Bahagian Sarikei masih menghadapi masalah kekurangan guru Bahasa Cina.
57. PR-1321-L60605
Tuan Mohamed Hanipa bin Maidin [Sepang] minta **MENTERI PELANCONGAN DAN KEBUDAYAAN** menyatakan:-
- (a) adakah perpustakaan daerah Sepang akan dibina di Parlimen Sepang dan jika ya bila akan dibina; dan
 - (b) jika tidak, adakah Kerajaan bersedia membinanya dengan kadar segera bagi memenuhi permintaan penduduk daerah Sepang.
58. PR-1321-L60364
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan:-
- (a) bagaimanakah pemilihan '*project delivery partner*' untuk projek MRT Sungai Buloh-Kajang dibuat sebelum ini; dan
 - (b) adakah sebarang proses penilaian atau tender dibuat bagi mendapat tawaran yang kompetitif.
59. PR-1321-L60969
Puan Mas Ermieyati binti Samsudin [Masjid Tanah] minta **MENTERI PEMBANGUNAN WANITA, KELUARGA DAN MASYARAKAT** menyatakan:-
- (a) apakah syarat-syarat kelayakan bagi pengusaha taska untuk mendapatkan insentif geran bagi pembukaan serta operasi taska mereka; dan
 - (b) berapa ramaikah pengusaha taska yang telah berjaya memperoleh insentif geran bagi penubuhan serta operasi taska tersebut bagi tahun 2014.

60. PR-1321-L60531
Datuk Nur Jazlan bin Mohamed [Pulai] minta **MENTERI PERDAGANGAN ANTARABANGSA DAN INDUSTRI** menyatakan mengenai kepentingan Dasar Automatif Nasional (DAN) 2014 dalam menjadikan Malaysia sebagai Hab Pengeluar Kenderaan Cepak Tenaga (EEV).
61. PR-1321-L60786
Tuan Chua Tian Chang @ Tian Chua [Batu] minta **MENTERI BELIA DAN SUKAN** menyatakan jika ada sebarang perancangan atau pelan untuk membina litar motor untuk anak-anak muda yang berminat dalam sukan motor.
62. PR-1321-L59674
Tan Sri Dato' Seri Abd Khalid bin Ibrahim [Bandar Tun Razak] minta **MENTERI PENDIDIKAN** menyatakan langkah efektif yang akan diambil oleh Kerajaan Persekutuan bagi mengawal kualiti Institusi Pengajian Tinggi Swasta (IPTS) dan mengekang kilang-kilang ijazah daripada bertambah.
63. PR-1321-L59475
Laksamana Pertama Mohamad Imran bin Abd Hamid (B) [Lumut] minta **PERDANA MENTERI** menyatakan adakah Kerajaan bercadang bahawa Undang-undang Islam di Malaysia akan dikuatkuasakan mulai tahun ini demi mengurangkan kadar jenayah (kemungkaran dan kejahatan) daripada terus meningkat.
64. PR-1321-L59532
Datuk Wira Haji Ahmad bin Hamzah [Jasin] minta **PERDANA MENTERI** menyatakan hala tuju negara sama ada akan mengisytiharkan Malaysia sebagai negara maju apabila kita telah mencapai tahap negara berpendapatan tinggi nanti serta bersedia pula memikul tanggungjawab sebagai sebuah negara maju dan sanggup kehilangan bantuan dan kemudahan yang biasanya dinikmati oleh sebuah negara membangun.
65. PR-1321-L60218
Dato' Dr. Nik Mazlan bin Nik Mohamad [Pasir Puteh] minta **MENTERI PENDIDIKAN** menyatakan kos untuk pelaksanaan Pentaksiran Berasaskan Sekolah (PBS) mengikut pecahan dari tahun 2011 sehingga 2013:-

(a) latihan dan peralatan untuk guru: laptop, LCD Projector; dan

(b) buku teks dan lain-lain.
66. PR-1321-L59932
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan jumlah dana yang diuruskan syarikat-syarikat broker saham antarabangsa yang ada di Malaysia setakat tahun 2013 ini dan apakah ada perancangan di peringkat kerajaan untuk menambah jumlah "*foreign stockbrokers*" dalam masa terdekat ini.

67. PR-1321-L60882
Datuk Haji Abdul Azeez bin Abdul Rahim [Baling] minta **MENTERI PERUSAHAAN PERLADANGAN DAN KOMODITI** menyatakan apakah usaha kerajaan bagi meningkatkan dan menstabilkan harga getah bagi memastikan pendapatan pekebun kecil lebih terjamin terutamanya mereka yang mengalami bebanan kewangan akibat penurunan harga komoditi ini.
68. PR-1321-L60241
Dato' Seri Abdul Hadi bin Awang [Marang] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan adakah ulama' dan pakar-pakar ekonomi Islam turut dilibatkan dalam Jawatankuasa Khas Menangani Kos Sara Hidup yang ditubuhkan oleh kabinet ke arah mengambil pendekatan Islam sebagai penyelesaian.
69. PR-1321-L60393
Dato' Haji Mahfuz bin Omar [Pokok Sena] minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah kesan kepada pengguna daripada Ops Harga 2.0.
70. PR-1321-L59369
Datuk Koh Nai Kwong [Alor Gajah] minta **MENTERI DALAM NEGERI** menyatakan sama ada anggota polis mematuhi tatacara piawai [SOP (*Standard Operating Procedure*)] sebelum menembak mati seorang lelaki yang dikatakan telah mengamuk dan menyerang anggota polis dengan menggunakan dua bilah pisau di Machap Umboo, Melaka yang berlaku pada 8 Februari 2014.
71. PR-1321-L59979
Dato' Wira Mohd Johari bin Baharom [Kubang Pasu] minta **MENTERI DALAM NEGERI** menyatakan tentang Pendatang Asing Tanpa Izin (PATI):-
- (a) berapa ramai yang berada di negara kita sejak 2005 sehingga kini dan jumlah aliran keluaran mata wang yang dihantar ke negara asal mereka; dan
 - (b) berapa peruntukan kewangan yang terlibat untuk mengurus PATI sejak 2005 sehingga kini.
72. PR-1321-L60456
Tuan Mohd Rafizi bin Ramli [Pandan] minta **MENTERI PENDIDIKAN** menyatakan senarai semua syarikat yang dianugerahkan konsesi untuk membina kampus-kampus baru UiTM di seluruh Malaysia yang dimeterai di antara Kerajaan Malaysia dan syarikat swasta sejak tahun 2009 dengan menyatakan maklumat tempoh konsesi, anggaran kos pembinaan kampus dan jumlah bayaran sewa tahunan oleh Kerajaan Malaysia kepada syarikat-syarikat ini.
73. PR-1321-L60002
Datuk Sapawi bin Ahmad Wasali [Sipitang] minta **MENTERI PENDIDIKAN** menyatakan jumlah projek/peruntukan yang sudah disalurkan kepada Sabah dan Sarawak bagi meningkatkan kemudahan warga pendidik di kawasan luar bandar kedua-dua negeri ini.

74. PR-1321-L60267
Dr. Tan Seng Giaw [Kepong] minta **MENTERI WILAYAH PERSEKUTUAN** menyatakan perkembangan kadar pentaksiran (cukai pintu). Apakah masalah dan hasil yang bakal diperolehi.
75. PR-1321-L60694
Ust. Dato' Dr. Mohd. Khairuddin bin Aman Razali [Kuala Nerus] minta **MENTERI PERUSAHAAN PERLADANGAN DAN KOMODITI** menyatakan lokasi dan jumlah anggaran tanah-tanah baharu yang akan dibuka untuk penanaman kelapa sawit pada tahun 2014.
76. PR-1321-L59230
Datuk Linda Tsen Thau Lin [Batu Sapi] minta **MENTERI DALAM NEGERI** menyatakan langkah-langkah yang diambil untuk memastikan keselamatan pelancong-pelancong dari negara-negara Asia Timur Laut, terutamanya dari negara China yang didapati ramai melawat ke negeri Sabah dan seterusnya menarik perhatian mereka untuk terus melancong ke negara kita.
77. PR-1321-L61056
Dato' Ahmad Fauzi bin Zahari [Setiawangsa] minta **MENTERI KERJA RAYA** menyatakan adakah sebarang perancangan dari kerajaan untuk mempertimbangkan rebat atau potongan kepada pengguna *Touch N Go* yang kerap menggunakan lebuh raya dalam tempoh setahun serta pemberian rebat cukai jalan kepada kenderaan 2000cc dan ke bawah bagi membantu mengurangkan kos sara hidup rakyat.
78. PR-1321-L61246
Dato' Sri Dr. Jamaluddin bin Mohd Jarjis [Rompin] minta **MENTERI KEMAJUAN LUAR BANDAR DAN WILAYAH** menyatakan:-
- (a) perancangan kerajaan untuk menaik taraf pembekalan air di kawasan luar bandar dalam perumahan Generasi Kedua baik di kampung tradisional dan di Felda-Felda; dan
 - (b) adakah benar gangguan pembekalan tersebut berlaku disebabkan penyaluran air yang tidak dapat memenuhi keperluan setempat, seperti di Gugusan Tun Razak dan Selancar.
79. PR-1321-L60783
Dr. Mansor bin Abd Rahman [Sik] minta **MENTERI PERUSAHAAN PERLADANGAN DAN KOMODITI** menyatakan apakah mekanisme yang telah dirangka di pihak kerajaan untuk menentukan kestabilan harga komoditi getah di pasaran dengan menetapkan harga lantai lebih kurang RM4-RM5 sekilogram bagi getah beku. Dan bagaimana pihak kerajaan dan agensi memastikan kebajikan pekerja tempatan yang bekerja di kebun kecil seperti penoreh yang mengambil upah.

ATURAN URUSAN MESYUARAT DAN USUL-USUL

1. (D.R. 13/2013) Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013- **Menyambung semula perbahasan atas masalah, “Bahawa Rang Undang-undang ini dibacakan kali yang kedua sekarang.” (9 April, 2014)**

[Menteri Dalam Negeri]

2. (D.R. 3/2014) Rang Undang-undang Yayasan Guru Tun Hussein Onn 2014 **Bacaan Kali Yang Kedua**

[Menteri Pendidikan]

3. (D.R. 24/2013) Rang Undang-undang Pencegahan Pengubahan Wang Haram dan Pencegahan Pembiayaan Keganasan (Pindaan) 2013 “

[Menteri Kewangan]

4. **Menteri Kewangan akan mencadangkan:-**

“Bahawa Dewan ini, mengikut peruntukan di bawah Seksyen 5 Akta Persatuan Pembangunan Antarabangsa 1960, mengambil ketetapan supaya Malaysia membuat sumbangan kepada Program Penambahan Dana Ke 17 Persatuan Pembangunan Antarabangsa sebanyak USD27,000,000.00 (dua puluh tujuh juta sahaja)”.

5. **Menteri Kewangan akan mencadangkan:-**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 11 Akta Kastam 1967 supaya Perintah Duti Kastam yang dibentangkan di hadapan Majlis ini sebagai kertas statut bil. ST.14, ST.15, ST.16, ST.17 dan ST.18 tahun 2014 disahkan.”

6. **Menteri Kewangan akan mencadangkan:-**

“Bahawa Majlis ini mengambil ketetapan iaitu menurut kuasa yang diletakkan padanya oleh subseksyen (2) Seksyen 15, Akta Cukai Jualan 1972, Perintah Cukai Jualan yang dibentangkan di hadapan Majlis ini sebagai kertas statut bil. ST.27 tahun 2014 disahkan.”

7. PR-1321-U59393

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, rakyat pada keseluruhannya berbesar hati dan mengalu-alukan usaha kerajaan dalam menangani masalah jenayah di negara ini dengan menubuhkan satu jabatan khusus dalam institusi kepolisan iaitu Jabatan Pencegahan dan Pembanterasannya Jenayah Polis DiRaja Malaysia.

Dan mengambil maklum juga, bahawa umum mengetahui bahawa Jabatan Pencegahan dan Pembanterasannya Jenayah PDRM ini hanya berfungsi di peringkat Ibu Pejabat Bukit Aman sahaja dan keanggotaannya amat terhad.

Dan mengambil maklum juga bahawa, kekangan yang dihadapi oleh JPPJ dan PDRM ini adalah disebabkan oleh kelewatan pihak Suruhanjaya Perkhidmatan Awam dalam memproses keperluan bagi perjawatan dan mengisi perjawatan dalam JPPJ-PDRM.

Dan mengambil maklum juga bahawa, rakyat dan masyarakat menaruh harapan serta kepercayaan penuh bahawa dengan tertubuhnya JPPJ-PDRM ini, kadar jenayah di negara ini akan dapat diturunkan pada kadar minima dan sekali gus menjadikan kebolehppercayaan rakyat mengenai dengan keselamatan negara ditingkatkan.

Maka, bagi menangani masalah yang dihadapi oleh JPPJ-PDRM ini, Dewan ini hendaklah mengambil ketetapan bahawa, pihak kerajaan hendaklah dalam kadar segera mendesak pihak Suruhanjaya Perkhidmatan Awam Malaysia untuk segera menyediakan perjawatan bagi semua jawatan yang diperlukan dalam Jabatan Pencegahan dan Pembanterasannya Jenayah Polis DiRaja Malaysia, supaya jabatan ini dapat ditubuhkan di semua peringkat, iaitu peringkat Pusat Bukit Aman, peringkat Ibu Pejabat Polis Kontinjen dan Ibu Pejabat Polis Daerah, agar fungsinya sebagai Agensi Pencegahan dan Pembanterasannya Jenayah dapat dilaksanakan dengan jayanya."

(Perdana Menteri)

8. PR-1321-U59394

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, sejak tertubuhnya Kawasan Keselamatan Khas Pantai Timur Sabah - ESSCOM, aliran keluar masuk pendatang asing kenegara ini, kini boleh dipantau sebanyak-sedikit.

Dan mengambil maklum juga, bahawa kawasan ESSCOM ini masih belum kebal-tembus oleh penceroboh asing yang selalu mengganggu-gugat keselamatan dan kedaulatan negara. Dan mengambil maklum juga bahawa, dengan aset sedia ada, kerja-kerja pengawasan dan perlindungan kawasan ESSCOM yang panjangnya sejauh 1400 kilometer amatlah rumit.

Dan juga mengambil maklum bahawa, pengendalian dan kos operasi aset-aset ESSCOM sedia ada amatlah tinggi dan bagi sesetengah situasi, agak merbahaya bagi anggota yang terlibat. Maka, bagi menangani masalah pengawasan dan perlindungan kawasan ESSCOM ini, dewan ini hendaklah mengambil ketetapan bahawa, selain dengan aset sedia ada, kerajaan hendaklah menggunakan khidmat kenderaan udara tanpa pemandu *drone - unmanned aerial vehicle*) terutama sekali bagi menjalankan kerja-kerja pengawasan perairan ESSCOM."

(Perdana Menteri)

9. PR-1321-U59409

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, kedai rakyat 1Malaysia - KR1M menawarkan harga barangan 30% - 40% lebih murah berbanding dengan kedai biasa. Dan mengambil maklum juga, bahawa hasrat murni kerajaan untuk mengurangkan bebanan kos sara hidup rakyat ini amatlah disanjung tinggi dan seharusnya dinikmati oleh semua lapisan rakyat terutama sekali mereka yang berpendapatan rendah jauh di pedalaman.

Dan mengambil maklum juga bahawa, hampir semua KR1M terletak di pekan-pekan utama terutama sekali di negeri Sabah. Kedudukan ini serba-sedikit membantutkan usaha kerajaan untuk mengurangkan beban kos sara hidup kumpulan sasar - kumpulan berpendapatan rendah, dari segi kebolehcapaian pengguna. Misalnya, adalah tidak praktikal bagi pengguna untuk ke pekan hanya untuk membeli sekilo tepung.

Dan mengambil maklum juga bahawa, hasrat kerajaan dalam menubuhkan KR1M ini boleh dipanjangkan lagi dengan konsep merakyatkan KR1M. Yakni pihak KR1M bolehlah menyediakan perkhidmatan jurujual dengan menggunakan van atau pun lori, di mana jurujual ini akan masuk ke seluruh kedai-kedai runcit yang terdapat di kampung-kampung, mukim dan sebagainya bagi membekalkan produk KR1M.

Dengan kaedah ini, produk KR1M dapat di boleh-capai oleh semua lapisan rakyat Malaysia. Maka, bagi memenuhi hasrat kerajaan dalam penubuhan KR1M, dewan ini hendaklah mengambil ketetapan bahawa, pihak kerajaan hendaklah memperluaskan lagi kebolehcapaian KR1M dengan memperluaskan pasaran produk KR1M melalui kaedah di atas."

(Menteri Perdagangan Dalam Negeri, Koperasi Dan Kepenggunaan)

10. PR-1321-U59411

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa, Sekolah Rendah Jenis Kebangsaan Hwa Shiong Putatan terletak berhampiran dengan Lebuhraya Putatan - Papar.

Dan mengambil maklum juga, bahawa sekolah ini menempatkan lebih daripada 700 orang murid sekolah di mana lebih daripada 50% murid ini akan menyeberang Lebuhraya Putatan - Papar, bagi tujuan menaiki bas, kereta atau pun berjalan kaki untuk pergi dan pulang ke sekolah.

Dan mengambil maklum juga bahawa, lintasan ini juga digunakan oleh orang ramai.

Dan mengambil maklum juga bahawa, selain Lebuhraya Putatan - Papar, murid-murid SRJKC Hwa Shiong dan orang ramai juga kena melintasi laluan kereta api bagi tujuan urusan harian mereka. Maka, atas faktor keselamatan, Dewan ini hendaklah mengambil ketetapan bahawa, pihak Kerajaan hendaklah mendirikan jejantas pejalan kaki, menyeberangi rel kereta api dan Lebuhraya Putatan – Papar Berhadapan dengan SRJKC Hwa Shiong demi untuk keselamatan murid-murid sekolah dan orang awam."

(Menteri Kerja Raya)

11. PR-1321-U60274

Dr. Tan Seng Giaw [Kepong] akan mencadangkan:-

"Bahawa Dewan ini membahaskan langkah-langkah yang boleh memperkukuhkan keamanan dan perpaduan negara majmuk ini".

(Perdana Menteri)

12. PR-1321-U60276

Dr. Tan Seng Giaw [Kepong] akan mencadangkan:-

"Bahawa Dewan ini membincangkan projek memperbaiki Dewan yang bocor, tempoh yang diperlukan dan jumlah perbelanjaan, sebagai contoh teladan kepada negara".

(Perdana Menteri)

13. PR-1321-U60277

Dr. Tan Seng Giaw [Kepong] akan mencadangkan:-

"Bahawa Dewan ini menyatakan kadar pembangunan Internet yang terkini di semua aspek berbanding dengan negara seperti Korea Selatan. Apakah jenis pembangunan dan jumlah kosnya serta prestasinya."

(Menteri Komunikasi dan Multimedia)

14. PR-1321-U59580

Tuan Fong Kui Lun [Bukit Bintang] akan mencadangkan:-

"Bahawa Dewan ini menggesa Suruhanjaya Pilihanraya Malaysia dalam proses untuk melaksanakan persempadanan semula kawasan pilihan raya hendaklah memastikan wujud keseimbangan pemilih antara pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

15. PR-1321-U59582

Tuan Fong Kui Lun [Bukit Bintang] akan mencadangkan:-

"Bahawa dewan ini menggesa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahupun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

16. PR-1321-U60610

Tuan Liew Chin Tong [Kluang] akan mencadangkan:-

"Bahawa Dewan ini menyokong cadangan menetapkan sebarang pembelian aset atau sistem pertahanan yang melebihi RM100 juta oleh Kementerian Pertahanan, mesti dibawa ke Parlimen untuk dibahas dan diaudit oleh Jabatan Audit Negara untuk syarat meneruskan pembelian ini. Ini juga bertujuan untuk mempertingkatkan integriti dan keberkesanan pembelian sistem pertahanan."

(Menteri Pertahanan)

17. PR-1321-U60119

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini menolak politik samseng dan perkauman serta menggesa perdebatan dasar secara rasional dan tanpa keganasan. Tindakan keganasan beberapa NGO pro-Kerajaan terhadap warganegara biasa dan mengugut bunuh Ahli Dewan Undangan Negeri Macang Bubok Pulau Pinang dan Ahli Parlimen Seputeh telah melanggar undang-undang jenayah Malaysia, oleh yang demikian pihak polis mestilah menyiasat suspek di bawah Kanun Acara Jenayah dengan segera. Biarlah rakyat jelata mendengar penjelasan dalam satu perdebatan yang sihat dan dengan ini Malaysia akan mengorak langkah ke satu kebudayaan demokrasi yang lebih matang."

Maka dengan ini Dewan hendaklah mengambil ketetapan untuk meminta Kerajaan melalui Peguam Negara untuk mengambil tindakan tegas terhadap pihak yang cuba meniupkan unsur perkauman dalam agenda politik mereka."

(Perdana Menteri)

18. PR-1321-U60120

Tuan Hee Loy Sian [Petaling Jaya Selatan] akan mencadangkan:-

"Bahawa Dewan ini mendesak Kerajaan menubuhkan mahkamah koroner yang tetap, bebas dan profesional bagi menjalankan inkues bagi semua kes kematian di bawah agensi-agensi penguatkuasaan undang-undang."

(Perdana Menteri)

19. PR-1321-U61176

Tuan Manivanan a/l Gowindasamy [Kapar] akan mencadangkan:-

"Bahawa Dewan mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan. "

(Menteri Dalam Negeri)

20. PR-1321-U61180

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

(Menteri Pendidikan)

21. **Tuan Mohamed Azmin bin Ali (Gombak)** akan mencadangkan:-

"Bahawa Dewan ini mengambil perhatian mengenai kelakuan hakim-hakim Mahkamah Rayuan iaitu Datuk Aziah Ali, Datuk Balia Yusuf Wahi dan Datuk Mohd Zawawi Salleh (selepas ini dirujuk sebagai "Hakim-Hakim tersebut") dalam mensabitkan Ketua Pembangkang YB Dato' Seri Anwar Ibrahim pada 7 Mac 2014 serta menjatuhkan hukuman 5 tahun."

Perkara-perkara berikut menimbulkan persoalan-persoalan yang amat serius dan membimbangkan mengenai tindakan yang diambil oleh hakim-hakim tersebut:-

- i. Pada 11 Februari 2014, setelah menolak permohonan oleh peguam bela Dato' Seri Anwar Ibrahim untuk memanggil semula saksi utama pendakwaan Judy Pereira (permohonan panggil semula Judy), Hakim Mahkamah Rayuan termasuk Aziah Ali dan Zawawi telah membenarkan penggantungan prosiding rayuan yang pada awalnya telah ditetapkan pada 11 dan 12 Februari 2014 sehingga rayuan kepada Mahkamah Persekutuan dilupuskan.
- ii. Mahkamah juga telah menetapkan tarikh 28 Februari 2014 (Jumaat) untuk pengurusan kes.
- iii. Kemudiannya, Pendaftar Mahkamah Rayuan telah memanggil peguambela Dato' Seri Anwar Ibrahim dan memberitahu bahawa pendengaran Rayuan akan ditetapkan pada tarikh-tarikh dari 7 hingga 10 April 2014 dan meminta diambil maklum.
- iv. Pada 25 Februari 2014 (Selasa), peguambela Dato' Seri Anwar Ibrahim telah memfailkan satu lagi permohonan untuk membatalkan perlantikan Muhammad Shafee Abdullah sebagai pendakwaraya di dalam Mahkamah Rayuan ("Permohonan membatalkan perlantikan Shafee").
- v. Pada 27 Februari 2014 (Khamis), Pendaftar telah memanggil peguambela Dato' Seri Anwar Ibrahim dan memberitahu bahawa pengurusan kes akan dimulakan keesokan hari pada 28 Februari 2014 (Jumaat) pada pukul 9 pagi dan memberitahu bahawa tarikh-tarikh 7 hingga 10 April 2014 tersebut dilapangkan walaupun tiada apa-apa sebab yang munasabah untuk berbuat demikian.
- vi. Pada 28 Februari 2014 (Jumaat), secara luar biasa Hakim Aziah Ali sendiri telah mengendalikan pengurusan kes tersebut dan menetapkan 3 Mac 2014 (Isnin), untuk pendengaran bagi permohonan membatalkan perlantikan Shafee. Pada keesokan hari iaitu 4 Mac 2014 (Selasa) pula Mahkamah Persekutuan telah menetapkan pendengaran bagi rayuan untuk permohonan memanggil semula Judy. Hakim Aziah Ali terus menetapkan 6 dan 7 Mac 2014 (Khamis dan Jumaat) secara tergesa-gesa bagi pendengaran Rayuan walaupun:-
 - a. satu perintah penggantungan prosiding sehingga pelupusan rayuan ke Mahkamah Persekutuan bagi permohonan memanggil semula Judy tersebut telah pun diberikan pada 11 Februari 2014 yang lalu;
 - b. Permohonan untuk membatalkan perlantikan Shafee belum didengari dan tidak diketahui keputusannya.
- vii. Lebih mengeruhkan keadaan ialah apabila Hakim Aziah Ali juga telah memaksa peguambela YB Karpal Singh menerima tarikh 6 dan 7 Mac tersebut walaupun pada tarikh-tarikh tersebut tidak sesuai bagi beliau memandangkan ada kes-kes lain yang ditetapkan untuk bicara. Hakim mengarahkan YB Karpal Singh untuk melapangkan kesemua tarikh-tarikh yang lain semata-mata untuk mendengar rayuan pendakwaraya terhadap Dato' Seri Anwar Ibrahim.

- viii. Tarikh 6 dan 7 Mac 2014 (Khamis dan Jumaat) adalah beberapa hari sahaja sebelum hari penamaan calon Pilihanraya Kecil Kajang iaitu pada 11 Mac 2014 di mana Dato' Seri Anwar pada masa itu adalah bakal calon Pakatan Rakyat, yang mana ini menunjukkan tujuan tersirat untuk menghalang "Langkah Kajang" Pakatan Rakyat.
- ix. Pada 3 Mac 2014 (Isnin), Mahkamah Rayuan telah menolak Permohonan untuk membatalkan perlantikan Shafee dan juga terus menolak permohonan penggantungan rayuan sehingga pelupusan rayuan di Mahkamah Persekutuan. Dalam pada masa yang sama, Hakim Datuk Balia Yusuf Wahi yang mempengerusikan panel Hakim-Hakim tersebut telah mengeluarkan perkataan-perkataan yang melanggar etika hakim dan tidak sesuai terhadap Dato'Seri Anwar Ibrahim iaitu dengan menuduh antara lain bahawa Dato' Seri Anwar Ibrahim cuba melengah-lengahkan perbicaraan prosiding tersebut yang menunjukkan prasangka dan berat sebelah yang ketara terhadap Dato' Seri Anwar Ibrahim.
- x. Pada 4 Mac 2014 (Selasa), Mahkamah Persekutuan telah tanpa asas dan tergesa-gesa membenarkan permohonan luar biasa Shafee untuk membatalkan rayuan permohonan memanggil semula Judy tersebut.
- xi. Pada 5 Mac 2014 (Rabu), peguambela Dato' Seri Anwar Ibrahim telah memfailkan notis rayuan terhadap keputusan permohonan untuk membatalkan perlantikan shafee bertarikh 3 Mac 2014 tersebut dan pada sebelah petang **pukul 12.30 tengahari** tarikh yang sama iaitu 5 Mac 2014 (Rabu) juga telah memfailkan satu Notis usul untuk penggantungan prosiding Rayuan pada 6 dan 7 Mac 2014 (Khamis dan Jumaat) tersebut sehingga pelupusan rayuan ke Mahkamah Persekutuan.
- xii. Tiba-tiba pada tarikh yang sama iaitu pada 5 Mac 2014 (Rabu) 3.30 petang, peguambela Dato' Seri Anwar Ibrahim diberitahu oleh pihak Mahkamah Persekutuan bahawa Mahkamah telah menetapkan permohonan untuk penangguhan prosiding rayuan itu akan didengari pada pukul 4.30 petang hari yang sama. Apabila peguambela Dato' Seri Anwar Ibrahim, YB Karpal Singh memberitahu bahawa mereka perlu sampaikan suratcara permohonan kepada pihak Responden Jabatan Peguam Negara dan T/n Shafee & Co, dan juga perlu bersedia dengan fail dan hujahan, pihak Mahkamah secara luarbiasa mengatakan bahawa pertamanya, Mahkamah sendiri telah memaklumkan kepada pihak responden, dan keduanya, peguambela Dato' Seri Anwar Ibrahim hendaklah meneruskan dengan hujahan hari itu dan boleh dikecualikan dari memakai jubah di Mahkamah. Pihak Mahkamah Persekutuan secara luar biasa tetap bertindak tergesa-gesa untuk mendengar permohonan Dato' Seri Anwar Ibrahim pada petang itu sedangkan tidak apa-apa halangan menetapkan permohonan untuk penangguhan untuk pagi hari esok iaitu 6 Mac 2014. Gambaran yang diberikan adalah bahawa Mahkamah Persekutuan tidak mahu apa-apa gangguan kepada perjalanan rayuan Peguam Negara pada esoknya 6 Mac 2014. Maka adalah tidak memeranjatkan apabila setelah mendengar hujahan peguam-peguam YB Karpal Singh dan YB Sivarasa Rasiah, permohonan penggantungan tersebut telah ditolak.

- xiii. Pada keesokan hari 6 Mac 2014 (Khamis), hari pertama Rayuan, Hakim-Hakim tersebut telah cuba mendesak peguambela Dato' Seri Anwar Ibrahim Ram Karpal menggulung hujahan beliau pada hari tersebut juga.
- xiv. Pada 7 Mac 2014(Jumaat), hari kedua perbincangan, setelah hujahan dari kedua-dua pihak selesai lebih kurang pukul 4 petang, ketiga-tiga hakim Mahkamah Rayuan, telah menangguhkan prosiding untuk waktu yang singkat dan terus memberi keputusan dengan mengeneipkan penghakiman Mahkamah Tinggi yang mendapati Dato' Seri Anwar Ibrahim tidak bersalah dan terus menyabitkan Dato' Seri Anwar Ibrahim. Keputusan dibuat dalam masa satu jam padahal perbicaraan di peringkat Mahkamah Tinggi mengambil masa berbulan-bulan, melibatkan 27 saksi, beberapa ribu mukasurat nota keterangan dan isu rumit melibatkan keterangan DNA.
- xv. Setelah sabitan dibacakan, peguam bela YB Karpal Singh memohon masa selama seminggu untuk penyediaan mitigasi namun Hakim-Hakim tersebut sekali lagi menolak dan memberi hanya satu jam persediaan untuk berhujah untuk menjatuhkan hukuman terhadap Dato' Seri Anwar Ibrahim, walaupun waktu mahkamah sudah menjangkau 5 petang iaitu selepas waktu rasmi Mahkamah.
- xvi. Hakim-Hakim tersebut kemudiannya menolak permohonan YB Karpal Singh untuk masa seminggu bagi menyediakan laporan perubatan Dato' Seri Anwar Ibrahim untuk menjelaskan keadaan kesihatan beliau bagi tujuan mitigasi untuk pertimbangan hukuman yang melibatkan pemenjaraan dan kemudiannya secara luar biasa telah meneruskan mitigasi tanpa laporan perubatan. Malah Hakim Balia telah mengatakan bahawa dalam keadaan bagi kes Dato' Seri Anwar Ibrahim ini, mereka sedia untuk tidak mengendahkan keperluan laporan perubatan tersebut.

Bedasarkan fakta-fakta di atas, Dewan ini mendapati Hakim-Hakim tersebut tidak membuat keputusan berdasarkan fakta kes dan keadilan, tetapi secara berat sebelah untuk sebab-sebab tersirat dan prasangka terhadap Dato' Seri Anwar Ibrahim di mana ini dengan jelas melanggar Seksyen 7(3) dan Seksyen 8(7) Kod Etika Hakim 2009.

Dan atas sebab-sebab ini Dewan ini mengecam tindakan-tindakan dan kelakuan Hakim-Hakim Mahkamah Rayuan Datuk Aziah Ali, Datuk Balia Yusuf dan Datuk Mohd Zawawi Salleh; dan menyeru supaya tindakan sewajarnya diambil ke atas mereka di bawah Kod Etika Hakim 2009.

Atas perkara yang tersebut di atas, saya memohon Usul ini dibincangkan dengan segeranya.

Ahli-ahli Yang Berhormat yang turut mengusulkan :-

- 1. YB. Dato' Mansor bin Othman [Nibong Tebal]
- 2. YB. Tuan Sim Tze Tzin [Bayan Baru]
- 3. YB. Tuan Wong Chen [Kelana Jaya]

4. YB. Dr. Lee Boon Chye [Gopeng]
5. YB. Puan Hajah Fuziah binti Salleh [Kuantan]
6. YB. Tuan Abdullah Sani bin Abdul Hamid [Kuala Langat]
7. YB. Tuan Wong Sze Phin @ Jimmy [Kota Kinabalu]
8. YB. Tuan Charles Anthony Santiago [Klang]
9. YB. Tuan Ng Wei Aik [Tanjong]
10. YB. Dr. Ong Kian Ming [Serdang]
11. YB. Tuan Wong Tien Fatt @ Wong Nyuk Foh [Sandakan]
12. YB. Tuan Oscar Ling Chai Yew [Sibul]
13. YB. Tuan Er Teck Hwa [Bakri]
14. YB. Dato' Ngeh Koo Ham [Beruas]
15. YB. Dato' Haji Mahfuz bin Omar [Pokok Sena]
16. YB. Tuan Haji Nasrudin bin Hassan [Temerloh]
17. YB. Tuan Mohamed Hanipa bin Maidin [Sepang]
18. YB. Dato' Dr. Mujahid Yusof Rawa [Parit Buntar]
19. YB. Dr. Hajah Siti Mariah binti Mahmud [Kota Raja]
20. YB. Tuan Idris bin Haji Ahmad [Bukit Gantang]
21. YB. Tuan Nik Mohamad Abduh bin Nik Abdul Aziz [Pasir Mas]
22. YB. Dato' Dr. Nik Mazlan bin Nik Mohamad [Pasir Puteh]
23. YB. Tuan Hee Loy Sian [Petaling Jaya Selatan]
24. YB. Tuan Manivanan a/l Gowindasamy [Kapar]
25. YB. Laksamana Pertama Mohamad Imran bin Abd Hamid (B) [Lumut]
26. YB. Tuan Gooi Hsiao-Leung [Alor Setar]
27. YB. Dr. Michael Jeyakumar Devaraj [Sungai Siput]
28. YB. Tuan Chua Tian Chang @ Tian Chua [Batu]
29. YB. Puan Hajah Zuraida binti Kamaruddin [Ampang]
30. YB. Dr. Azman bin Ismail [Kuala Kedah]

31. YB. Puan Kasthuriraani a/p Patto [Batu Kawan]
32. YB. Tuan Julian Tan Kok Ping [Stampin]
33. YB. Dr. Ko Chung Sen [Kampar]
34. YB. Tuan Loke Siew Fook [Seremban]
35. YB. Tuan Zairil Khir Johari [Bukit Bendera]
36. YB. Tuan Nga Kor Ming [Taiping]
37. YB. Puan Teo Nie Ching [Kulai]
38. YB. Puan Teresa Kok Suh Sim [Seputeh]
39. YB. Raja Dato' Kamarul Bahrin Shah [Kuala Terengganu]
40. YB. Puan Siti Zailah binti Mohd Yusoff [Rantau Panjang]
41. YB. Tuan Haji Khalid bin Abdul Samad [Shah Alam]
42. YB. Dr. Che Rosli bin Che Mat [Hulu Langat]
43. YB. Dr. Mohd Hatta bin Md. Ramli [Kuala Krai]
44. YB. Tuan Ahmad Baihaki bin Atiqullah [Kubang Kerian]
45. YB. Dr. Haji Izani bin Haji Husin [Pengkalan Chepa]
46. YB. Dato' Kamarudin bin Jaffar [Tumpat]
47. YB. Tuan Ignatius Dorell Leiking [Penampang]
48. YB. Dato' Dr. Tan Kee Kwong [Wangsa Maju]
49. YB. Tuan Mohd Rafizi bin Ramli [Pandan]
50. YB. Dato' Fauzi bin Abdul Rahman [Indera Mahkota]
51. YB. Tuan Karpal Singh [Bukit Gelugor]
52. YB. Tuan Gobind Singh Deo [Puchong]
53. YB. Puan Nurul Izzah binti Anwar [Lembah Pantai]
54. YB. Tuan Tony Pua Kiam Wee [Petaling Jaya Utara]
55. YB. Tuan Su Keong Siong [Ipoh Timor]
56. YB. Tuan Chong Chieng Jen [Bandar Kuching]

57. YB. Tuan Sim Tong Him [Kota Melaka]
58. YB. Puan Alice Lau Kiong Yieng [Lanang]
59. YB. Tuan Jeff Ooi Chuan Aun [Jelutong]
60. YB. Tuan Sim Chee Keong [Bukit Mertajam]
61. YB. Tuan Wong Ling Biu [Sarikei]
62. YB. Tuan Teo Kok Seong [Rasah]
63. YB. Tuan Liew Chin Tong [Kluang]

RISALAT-RISALAT YANG DIBAWA KE DALAM MESYUARAT
(DEWAN RAKYAT)

<u>TAHUN</u> <u>2014</u>	<u>RISALAT/DOKUMEN</u>	<u>TARIKH</u> <u>DIBENTANGKAN</u>
DR.1	Laporan Jawatankuasa Kira-Kira Wang Negara Parlimen Ketiga Belas Perbelanjaan Hari Belia Negara 2012	10 April 2014
ST. 48	Laporan Tahunan dan Penyata Kewangan Kumpulan Wang Simpanan Pekerja Bagi Tahun 2013	10 April 2014
ST. 49	Laporan Tahunan dan Penyata Kewangan Perbadanan Insurans Deposit Malaysia Bagi Tahun 2013	10 April 2014